

B'OQOK RE LI OKENK CHO'Q RE XJOLOMINKIL LI MOLAM DESARROLLO INDÍGENA GUATEMALTECO UT LI UNIDAD EJECUTORA -FODIGUA-

A'yaal jo' naxjultika li raqal 13, ch'ol I) ut li raqal 22 re li chaq'rab' 435-94 ut li xtuqub'ankil ru, ut li molam Fondo de Desarrollo Indígena Guatemalteco ut li Unidad Ejecutora -FODIGUA-.

NAXK'E LI B'OQOK

Cho'q reheb' li te'raj tz'aqonk chi xsik'bal ru eb' li poyanam nake'k'uub'ank re li xaqab'anb'ileb' chi xjolominkil li molam Fondo de Desarrollo Indígena Guatemalteco ut li Unidad Ejecutora, li te'xk'am li xhu ut li nak'utb'esinkeb' re

A) Li k'a' ru aajel ru a'yaal jo' naxye li xchaq'rab'il awa'b'ejilal 435-94 re li FODIGUA (raqal. 22)

- Tentook naq aj Ralch'och', aj Maay, aj Xinka malaj aj Garifuna.
- Twanq xnawom
- Naxb'eeresi li yaal
- Naxnaw li jolomink
- Aajel raj ru naq twanq xtzolb'al li ak naxik xteram (universitarios)
- Twanq xnawom chi rix li k'anjelak sa' komonil.

B) Hu tentook xq'axtesinkil

- Xhuhil resilal li k'anjel ak xb'eeresihom, xk'ihalil li xtzolb'al ak xk'ulum (Currículum vitae) tk'eemanq jun li jalam u chi sa', li nim roq li nayeemank re pasaporte ab'an li wank xb'onol.
- Xhuhil reetalil xteram li xtzolb'al ut li reetalil li nayeemank re Colegiado Activo, cho'q reheb' li wankeb' xtzolb'al, k'eeb'ilaq numenaq oxib' po re xq'axtesinkil.
- Xmu isinb'il chi ka' pak'alil li hu nak'utb'esink re jo' poyanam malaj li DPI.
- Hu naxjultika naq maak'a' xch'a'ajkilal sa' xb'eeresinkil xtuminal li chaq'rab' malaj xk'as rik'in li awa'b'ejilal li k'eeb'il xb'aan li molam Contraloría General de Cuentas (Finiquito).
- Hu toj wank ru, naxk'utb'esi naq maak'a'eb' xmaak chi ru li chaq'rab' malaj k'amb'il chi ru li chaq'rab' re xtz'ilb'al xmaak (Antecedentes Penales).
- Hu toj wank ru, naxk'utb'esi naq maak'a'eb' ch'a'ajkilal chi ruheb' aj k'aak'alene tenamit (Antecedentes Policiales).
- Hu re xkuutunkil rix li xwanjikeb' jo' poyanam, li k'eeb'ilaq xb'aaneb' li molam kuutunb'ileb' chi ru chaq'rab' malaj xb'aaneb' xjolomil k'aleb'aal, xb'eenileb' aj ralch'och' malaj xb'eenileb' qamama' qixa'an.
- Xtusulal k'anjel tb'eeresi malaj li nayeemank re Plan de trabajo (oob' perel).
- Hu kuutunb'il xb'aan junaq laj nawonel chaq'rab' li nayeemank re Declaración jurada, a'in tjultika naq maak'a' rilom rik'in junaq k'anjel rik'in li awa'b'ejilal.
- Hu naxk'e li Xmolamil li K'ila Aatinob'aal Maay re Watemaal, b'ar wi' naxjultika naq a'an jun poyanam aj Maay ut naq na'aatinak sa' junaq aatinob'aal Maay malaj junaq li hu kuutunb'il xb'aan junaq laj nawonel chaq'rab' li nayeemank re Declaración Jurada, b'ar wi' te'xjultika naq aj ralch'och', aj Maay, aj Xinka malaj aj Garifuna.
- .Tentook a'an tz'aqal li xhu tq'axtesi, xmu tz'aqal li xhu ut jo' aj wi' tq'axtesi sa' muhil esil li nayeemank re PDF (CD malaj USB).
- Tq'axtesi li xhu chi wank rajlil ut sa' xna'aj hu nim roq (folder tamaño oficio).

Li k'uluk hu, twanq chalen sa' li kutank lunes 21 toj sa' li viernes 25 xb'e li po marzo re li hab' 2022, sa' li 8:00 toj sa' 16:30 hoonal re li kutank, sa' li rochochil li molam Fondo de Desarrollo Indígena Guatemalteco -FODIGUA-, li nakanaak sa' li Ruta 6, 8-19 zona 4, Tenamit re Watemaal.

Xch'uutal li najolomink sa' li tenamital -FODIGUA-